

## Vijesti Fondacije CURE

“Slavimo snagu i moć žene, želimo osnažiti individue kako bi bile inicijatorke promjena u Bosni i Hercegovini i svijetu!”




### Drugo izdanje

Vratile smo se sa svježim vijestima o akcijama Fondacije CURE i novostima vezanim za BiH feministički pokret. Informacije koje nudimo ovaj put: novonastala grupa CURE iz Hrasnice, Ženska mreža BiH, donacija od Damira Imamovića, peti po redu X-Press susret, edukativne radionice u Zenici, CURE istraživanje o medijskom prikazu nasilja protiv žena.

#### Oživljavanje ženskog pokreta u BiH: ŽENSKA MREŽA BIH

CURE su poslale prijedlog platforme za Žensku mrežu BiH (ŽMBiH) grupama koje rade za ženska ljudska prava, i prijedlozi će u predstojećim sedmicama biti sinkronizirani. To znači da će ŽMBiH biti lansirana uskoro! U međuvremenu, čitajte o sjajnom radu ženskih grupa u našoj zemlji: <http://zenskegrupebih.fondacijacure.org>



Women's  
GROUPS BiH

#### CURE na Kosovu

Početak juna, Jadranka i Taida iz Fondacije CURE učestvovala su u događaju u Prištini koji organizira Kvinna till Kvinna (Švedska). Aktivistice Fondacije CURE su tom prilikom održale prezentaciju i radionicu na temu angažirane umjetnosti, kulture i feminističkog aktivizma.

#### CURE u NVO Vijeću BiH

Osim na Kosovu, CURE su nastavile umrežavanje i zajedničke akcije i u našoj zemlji. Fondacija CURE je postala zvanična članica NVO Vijeća BiH. Pozivamo vas da saznate više:

[http://www.bihngocouncil.ba/index.php?option=com\\_content&task=view&id=28&Itemid=96](http://www.bihngocouncil.ba/index.php?option=com_content&task=view&id=28&Itemid=96)

#### "Upoznaj svoja prava i žensku istoriju, osnaži se i aktiviraj!": CURE akcija "STOP nasilju protiv žena" u Hrasnici

Kao rezultat CURE edukacija, zadovoljne smo izvijestiti da se grupa polaznica organizirala kako bi reagirale na nasilje protiv djevojčica i žena u Hrasnici. Za svoju prvu akciju, CURE Hrasnica isplanirale su koncert i uličnu akciju "STOP nasilju protiv žena" koja se održava u subotu, 4. jula u Velikom parku Hrasnica ispred Doma kulture (ili u kino Sali u slučaju kiše) od 19-22. Bit će muzika uživo i premijerna izvedba rap pjesme "Cure". Povrh toga, CURE Hrasnica će predstaviti rezultate istraživanja o stavovima građanstva spram nasilja protiv žena. Poslušajte pjesmu online [www.fondacijacure.org/HRS-Underground-Cure.mp3](http://www.fondacijacure.org/HRS-Underground-Cure.mp3), ali ne propustite premijernu izvedbu u subotu sa početkom u 19h u Hrasnici!!

"Upoznaj svoja prava i žensku istoriju, osnaži se i aktiviraj!" interaktivni edukativni program se nastavlja diljem BiH. Zadnje sesije prvog modula održane su u Zenici (11-14 juni) na teme rodne jednakosti, spol i rod, ženski pokret kroz leća vremena, rodno uslovljeno nasilje i drugo. Pogledajte slike: <http://www.flickr.com/photos/73086496@N00/sets/72157620357749502/>



### CURE Analiza medija

CURE volonterka Rada Sukara uradila je odličnu analizu nasilja protiv žena po medijskim objavama. Evo sažetka izvještaja<sup>1</sup>:

“U periodu između 2003 god. i 2009 god. istraženo je 579.157 članaka kako bi se kreirao pregled medijskog prikaza nasilja. Istraženo je ukupno 26 štampanih medija (sedmični, dnevni, periodični) koristeći datoteku *infobiro.ba* kako bi se analizirala frekventnost pojavljivanja ključnih riječi vezanih za nasilje protiv djevojčica i žena. Pronađeno je ukupno 415 rezultata. Od dobivenih rezultata, odabran je određeni broj članaka kako bi se istražio i prikazao širi šablon rodno uslovljenog nasilja.

Činjenice ilustrirane kroz novinske članke pokazuju da je nasilje u našem društvu u stalnom porastu, te da se zbiva u svim slojevima društva i nad svim uzrastima. U 80% slučajeva nasilje se dešava u braku. Osobe ženskog spola su najčešće izložene nasilju. U više od 80% slučajeva cjelokupnog nasilja žrtve ili preživjele su upravo osobe ženskog spola. Od cjelokupno rasprostranjenog i prisutnog nasilja prijavljuje se tek 10%.

Iako u našoj zemlji postoje zakoni koji predviđaju adekvatne kazne i sankcije, praksa pokazuje da su kazne za počiniocce nasilja neprimjereno male i često nepostojeće.

Evo samo jednog primjera:

Prošle godine je sedamdesetogodišnjak (70) iz Gnionice, opština Vukosavlje osuđen na samo pet godina zatvora, jer je izvršio seksualno nasilje tj. silovanje nad trinaestogodišnjom (13)

djevojčicom. Počinitelj je djevojčici platio da se skine nakon čega je izvršio polno nasilje nad njom-silovao je. Protiv ove odluke suda podnesena je žalba Vrhovnom sudu Republike Srpske koja je odbijena i odluka Okružnog dobojskog suda je potvrđena.“

### **Tema pete X-Press sesije: "Osobe sa umanjenim sposobnostima zaslužuju jednake mogućnosti"**

X-Press sesije odvijaju se kao tematski doručak-susret sa domaćim novinarkama i novinarima i ciljaju ohrabiti medijske profesionalke i profesionalce za rad koji će biti etičan i profesionalan kada se radi o prikazivanju stvarnosti svih osoba podjednako. CURE je partnerska organizacija u sklopu ove inicijative Helsinškog komiteta građana iz Banjaluke.

### **Važno: RECI NE LISTI ČEKANJA!**


Pozvane/i ste da podržite kampanju kako bi se zaustavila lista čekanja za Herceptin - lijek koji znači život brojnim osobama oboljelim od raka dojke. Kampanju vodi Renesansa, udruženje osoba oboljelih i liječenih od tumora dojke. Svaka osoba zaslužuje da živi i ima pravo na lijek. **Potpišite peticiju u subotu, 4. jula ispred sarajevske katedrale od 18.00.** Vidi više: <http://humanrightshouse.org/Articles/11216.html>

### **Osuđen Tasim Kučević**

Tasim Kučević, koji je udarcem oborio ženu ispred Suda BiH prošlog mjeseca, osuđen je na dvije godine i četiri mjeseca u zatvoru. Fondacija CURE pozdravlja ovu odluku, iako vjerujemo da postoji velika urgentnost da se određuju znatno strožije sankcije i da se prestane sa blagim kaznama za počinitelje nasilja protiv žena. Jer, evo šta se desilo: <http://www.radiosarajevo.ba/content/view/2058/60/> Čitaj više:

<http://www.balkaninsight.com/en/main/news/18359/> and <http://www.sudbih.gov.ba/?opcija=predmeti&id=296&jezik=e>

<sup>1</sup> Ako želite pročitati izvještaj, molimo kontaktirajte CURE.



**Zakon o jednakosti spolova BiH: Nećemo unazad sa ljudskim pravima!!!**

Novi nacrt Zakona o spolnoj jednakosti<sup>2</sup> je konačno tu, i Agencija za jednakost spolova je predstavila nekoliko nadopuna zakona. Međutim, radna grupa koja je kreirala nacrt, odlučila je ukloniti dio koji se odnosi na spolnu orijentaciju. Zajedno sa Prava za sve, Udruženje Q, Žena i društvo, Centar za pravnu pomoć ženama, Centar za slobodan pristup informacijama i druge, CURE se čvrsto protve takvom potezu jer jasno krši prava brojnih osoba.

Uklanjanje spolne orijentacije kao osnova za rodno i/ili spolno uslovljeno nasilje, uznemiravanje itd. iz zakona kojemu je cilj da garantira rodna i spolna prava svih osoba je neprihvatljivo. Nećemo prihvatiti takvo potcjenjivanje ljudskih prava!

Kako je ponovljeno nekoliko puta, ne samo od strane predstavnica civilnog društva nego i tužiteljice, pravnicu i drugih profesionalki prisutnih na javnoj diskusiji Nacrta o zakonu o ravnopravnosti spolova (održana 25. juna 2009), ovakva vrsta izmjene značila bi ozbiljan nazadak za ljudska prava u našoj zemlji.

Kao jedan od razloga/opravljanja za ovakav ozbiljan pokušaj da se isključe i srežu prava i zakonska zaštita za sve, ali pogotovo LGBTIQ osoba, *predstavnici* Agencije za ravnopravnost spolova izjavili su da će se "ovo pitanje" riješiti kroz Zakon o anti-diskriminaciji. Samo da podsjetimo, to je zakon na listi čekanja od decembra prošle godine.

Još jedan nelegitiman izgovor za ovaj nevjerovatan pokušaj da se unazadi i onemoguću ostvarenje prava kroz zakon dolazi od Alme Como, članice radne grupe za nacrt novog Zakona o ravnopravnosti spolova, ali i poslanice Doma naroda i članice Zajedničke komisije za

ljudska prava, prava djeteta, mlade, imigraciju, izbjeglice, azil i etiku i Zajedničke komisije za evropske integracije koja kaže:

*"Pod drugi status mozete podvest sve ovo sto stoji i sto se meni ne svidja, ovo spolno izrazavanje i spolna orijentacija. Ja to otvoreno kazem. Ja ne zelim da to stoji u zakonu. Ne svidja mi se da stoji. Mislim da je to neki drugi status i mozemo mi podvesti to pod taj neki drugi status."*

Čitaj sama ili sam:  
<http://www.parlament.ba/sjednica/1/0/142.html>

Na javnoj diskusiji o nacrtu Zakona o ravnopravnosti spolova nije bilo predstavnica radne grupe, a i predstavnice Parlamenta se nisu mogle pojaviti budući da su im zakazane sjednice u to vrijeme, kao i tokom javnih diskusija o nacrtu Zakona u Mostaru i Banjoj Luci. Po novom nacrtu, sankcije za počinitelje ostaju iste - od 6 mjeseci do 5 godina.

Reci Agenciji za jednakost spolova da ne prihvaćamo smjer nazadka sa pravima LGBTIQ osoba i nazadak sa ljudskim pravima uopćeno!

Nadi nacrt zakona ovdje:  
<http://www.arsbih.gov.ba/?PID=7&RID=344>

Predstavnice i predstavnici civilnog društva će učiniti sve da osiguraju da Zakon o jednakosti spolova ove zemlje garantuje prava za sve, kako je i planirano.

### Činjenice iz CURE Herstory

Ovaj je dio namijenjen akcentiranju zanimljivih i važnih činjenica i događaja iz CURE ženske istorije:

Osnivačice Fondacije CURE su: Jadranka Miličević, Danijela Dugandžić-Živanović, Andreja Dugandžić, i Taida Horozović

<sup>2</sup> Nadi nacrt zakona ovdje:  
<http://www.arsbih.gov.ba/?PID=7&RID=344>

### **Ogromno hvala Damiru Imamoviću!**

Fondacija CURE želi posebno zahvaliti za velikodušnu donaciju Damira Imamovića koji je pobjedio na TV-kvizu i odlučio sva dobivena sredstva pokloniti Fondaciji CURE. Kakva sjajna odluka! To znači da CURE može nastaviti sa svojim aktivnostima i doprijeti do još većeg broja aktivistica i aktivista diljem BiH! Hvala Damire! Zahvaljujemo ovom fenomenalnom umjetniku i članu Fondacije CURE koji od samih CURE početaka daje važan doprinos, uključujući dobrotvorne *jam sessions-e*, besplatan nastup i uopćeno dobru energiju i podršku!

Upoznajte se sa Damirovim radom, poslušajte njegovu sjajnu muziku ovdje:

<http://www.damirimamovic.com/> i  
<http://www.myspace.com/damirimamovictrio>

### **Zanimljivo! Predsjedavajući Vijeća ministara Bosne i Hercegovine kaže NE:**

Nikola Špirić, Predsjedavajući Vijeća ministara Bosne i Hercegovine potpisao je UNIFEM kampanju Say NO to Violence against Women (Reci NE nasilju protiv žena) u New York uredu UNIFEM-a 25. juna 2009. Žene BiH se nadaju da to znači više budžeta i viših budžeta za specifične akcije koje su fokusirane na rezultate. Ne, mi to očekujemo!

Čitaj članak:

[http://www.unifem.org/news\\_events/story\\_detail.php?StoryID=897](http://www.unifem.org/news_events/story_detail.php?StoryID=897), Informiši se o kampanji:  
<http://www.unifem.org/campaigns/vaw/>

### **Posebni podsjetnik:**

**NE ZABORAVIMO SREBRENICU!  
11 JULI JE 14 GODINA OD POČINJENOG  
GENOCIDA U SREBRENICI,  
ODAJTE POČAST ŽRTVAMA, POŠTUJTE  
PREŽIVJELE I RADITE DA OSIGURAMO DA SE  
VIŠE NIKADA NE PONOVI**

[www.potocarimc.ba](http://www.potocarimc.ba)  
[www.marsmira.org](http://www.marsmira.org)

Članstvo u Fondaciji CURE je besplatno i iskazujemo dobrodošlicu svim osobama koje se žele uključiti u CURE akcije, i podržati, surađivati ili okupljati se oko misije Fondacije CURE. Zajednica CURE okuplja stotine osoba iz BiH i svijeta i to putem članstva, volontiranja, CURE mailing liste i naravno brojnih akcija.

Molimo pišite nam na [info@fondacijacure.org](mailto:info@fondacijacure.org) ako želite da vas dodamo na CURE listu, ili ako želite više informacija o našim akcijama i inicijativama.

### **Posebno hvala našim donatoricama za njihovu neprocjenjivu pomoć:**

- Global Fund For Women
- *Kvinna till Kvinna*
- *Open Society Fund B&H*
- *CFD*
- *Heart and Hand Fund (USA)*
- *Oak Foundation*

### **CURE osobe (bez posebnog redoslijeda):**

- Jadranka Mililčević, Su-osnivačica, Menadžerka
- Miranda Myrberg, Volonterka
- Amanda Fisher, Cyber- Volonterka
- Vedrana Frašto, Asistentica za komunikacije
- Rada Sukara, Volonterka
- Elvira Jahić, Projekt koordinatorica
- Stela Kovačević, Administracija
- Taida Horozović, Su-osnivačica, Izvršna direktorica
- Jelena Šantić, Projekt koordinatorica
- Maja Stijačić, Cyber- Volonterka

**Pozivamo vas da nas kontaktirate sa pitanjima, komentarima, idejama ili informacijama kako podržati CURE!**

### **CURE kontakti:**

Email: [info@fondacijacure.org](mailto:info@fondacijacure.org)  
Tel/Fax: +387 33 270 610  
Adresa: Fondacija CURE (Kuća ljudskih prava Sarajevo)  
Ante Fijamenga 14b  
71 000 Sarajevo, Bosna i Hercegovina